

Сарыағаш аудандық мәслихатының 2024 жылғы 22 ақпандағы № 15-113-VIII " Әлеуметтік көмек көрсетудің, оның мөлшерлерін белгілеудің және мұқтаж азаматтардың жекелеген санаттарының тізбесін айқындаудың қағидасын бекіту туралы " шешіміне өзгерістер мен толықтырулар енгізу туралы

Түркістан облысы Сарыағаш аудандық мәслихатының 2025 жылғы 5 желтоқсандағы № 37-271-VIII шешімі

Сарыағаш аудандық мәслихаты ШЕШІМ ҚАБЫЛДАДЫ:

1. Сарыағаш аудандық мәслихатының 2024 жылғы 22 ақпандағы №15-113-VIII " Әлеуметтік көмек көрсетудің, оның мөлшерлерін белгілеудің және мұқтаж азаматтардың жекелеген санаттарының тізбесін айқындаудың қағидасын бекіту туралы " шешіміне мынадай өзгерістер мен толықтырулар енгізілсін:

көрсетілген шешімнің кіріспе бөлігіндегі "Қазақстан Республикасының Бюджет кодексінің 56-бабының 1-тармағының 4) тармақшасына" деген сөздер "Қазақстан Республикасының Бюджет кодексінің 33 бабына" деген сөздермен ауыстырылсын;

көрсетілген шешіммен бекітілген Әлеуметтік көмек көрсетудің, оның мөлшерлерін белгілеудің және мұқтаж азаматтардың жекелеген санаттарының тізбесін айқындаудың қағидасында:

9-тармақтың 5) тармақшасының бірінші абзацы жаңа редакцияда жазылсын:

"Ұлы Отан соғысындағы Жеңістің 80 жылдығына орай" жыл басынан төлем жүргізу үшін Ұлы Отан соғысы ардагерлеріне – біржолғы 5 000 000 теңге мөлшерінде";

9-тармақтың 6) тармақшасы жаңа редакцияда жазылсын;

"6) 29 тамыз – Семей ядролық сынақ полигонының жабылу күні:

Семей ядролық сынақтар мен жаттығуларға қатысқан адамдарға, ядролық қаруды сынаудың салдарынан зардап шеккен және мүгедектік тобы бар болған адамдарына – біржолғы 30 айлық есептік көрсеткіш мөлшерінде";

9-тармақ 10) тармақшамен толықтырылсын;

"10) 31 мамыр – Саяси қуғын-сүргін және ашаршылық құрбандарын еске алу күні:

саяси қуғын-сүргін құрбандарына және саяси қуғын-сүргіннен зардап шеккен тұлғаларға – біржолғы 15 айлық есептік көрсеткіш мөлшерінде".

10-тармақтың 8) тармақшасының 7 абзацы жаңа редакцияда жазылсын:

"Арнайы комиссиялар әлеуметтік көмек көрсету қажеттігі туралы қорытынды шығарған кезде Сарыағаш аудандық мәслихатының бекіткен азаматтарды мұқтаждар санатына жатқызу негіздерінің тізбесін басшылыққа алады.";

28-тармақ жаңа редакцияда жазылсын:

"28. Әлеуметтік көмек:

- 1) алушы қайтыс болған;
- 2) алушы тұрақты тұру үшін Сарыағаш ауданынан тыс кеткен;
- 3) алушы мемлекеттік медициналық-әлеуметтік мекемелерге тұруға жіберілген;
- 4) өтініш беруші ұсынған мәліметтердің дәйексіздігі анықталған;

5) әлеуметтік көмек көрсетуге негіз болған жағдайлардың жойылуы туралы мәліметтер анықталған жағдайларда тоқтатылады.

Осы тармақтың 3) тармақшасы осы қағидалардың 12-тармағының 2) тармақшасында көрсетілген негіздер бойынша тағайындалған әлеуметтік көмекті төлеуге қолданылмайды.

Осы тармақтың 1) 3) тармақшаларында көрсетілген негіздер бойынша әлеуметтік көмек төлеу көрсетілген мән-жайлар басталғаннан кейінгі айдан бастап тоқтатылады.

Осы тармақтың 4) және 5) тармақшаларында көрсетілген негіздер бойынша әлеуметтік көмекті төлеу көрсетілген мән-жайлар басталған күннен бастап тоқтатылады."

2. Осы шешім оның алғашқы ресми жарияланған күнінен кейін күнтізбелік он күн өткен соң қолданысқа енгізіледі.

Аудандық мәслихат төрағасы

Р. Асылбекұлы